

珂雪空齋前集卷之三

公安鳧隱袁中道著

友人朗公秦 鎬校

詩

夜泊

千里愁空闊一尊破寂寥
山城同小嶼秋水在層霄
未雨雲先濕微風樹也搖
流波照醉影雙頰湧紅潮

失婢

驚波千里路渺渺一行舟無處尋如願何人伴
莫愁琵琶絃任斷鸚鵡語頻求未受泥中怒胡
爲不我留如願亦婢

泊清河懷真州諸丈

碧天無際夜沉沉三戶寒煙水沒林纖月有情
窺獨影流波如語伴孤吟淮南木落人皆散河
上風高秋漸深欲識相思腸斷處蘆花洲渚靜
聞砧

清河道中有懷

驚如孤鴈淚如波
記得飄零減翠娥
古戍仍懸新皓月
秋風還咽舊黃河
熒熒夜火閑刀尺
寂寞香閨罷綺羅
不是頓忘前日約
年來生計太蹉跎

夜泊

揀沙寒鴈弄微喧
蘆裏疎燈辨遠村
河水秋生千渚沒
天風暮起萬帆奔
旋敲石火燃香篆
更買湖菱佐酒樽
獨倚牙樁閑騁望
流波蕩月漸黃昏

中秋舟中看月

微雨先除道，卿雲漸擁輪。居然同白晝，只是較
清新。流水光堪掬，垂楊淨可人。留連不忍別，長
夜與相親。

其二

匝地都無翳，停空轉覺明。波寒魚乍躍，樹白鳥
時驚。北酒猶能苦，漁歌也自清。久看成慘切，原
野盡秋聲。

十六日看月

尚未經城市先窺客子船
露零知魄冷雲去愛
光鮮密樹深深黑
流波燦燦中秋雖過了今
夜月繞圓

彭城

明月照彭城秋風號大澤
清淚灑黃河淒淒念
往昔三年如一夢依然嗟
流落今年算明年無
算不成錯何以展迴腸
金樽無停酌

其二

澄空接素波晴雲亦何糾
浦口樹沉沉明月從

中起靜夜爇金鑪餘香散流水

徐州夜泊有懷

難忘飄泊向天涯清露盈盈滴露華故國有樓
同燕子野源無地問桃花微雲點綴迎初月秋
水晶瑩染暮霞獨立汀洲無一語只將如意書
寒沙

臨清逢程生持家書至

一騎沙中至聞聲是故人面顏衝赤日衣袂染
黃塵百苦驚魂路三秋病肺身莫辭今夜醉鞍

馬也勞神

靜海縣道中傷宋二郎是二郎溺處

荒岍鳴蘆葉敗垣叢老樹北風吹野原蕭蕭如
歲暮渭水依然流垂楊已非故人生孰無死子
死無墳墓感此百年哀傷哉一時誤不忍見迴
波徘徊向岐路

其二

寒生古木凋日暮陰飈發海水白茫茫江何處收
汝骨遊魂復何歸隨波而出沒秋深哭冷風夜

未弔寒月無方得汝活淚下流汨汨

重九醉作

泛泛聞波濤蕭蕭矚原藪海門屯朔風渭水無
停柳久酣忘曆日訊人是重九傳觴懷兄弟戲
馬思朋友九後佳節稀那能不醉酒何必盛盤
殮蟹匡在吾手何用繞梁歌宮商信吾口陶然
成一醉甘卧直至酉不知日已沉醒問天明否

別方子

長安日暮北風起寒氣中人身似水北里吹笙

西第鍾總之不到書生耳莫學師宜寫大字無
人將錢還酒肆莫將華裾蔽朱門骨體由來少
圓媚愁貧愁病銷光景搔首問天天不省破寺
月冷不成眠獨向寒堦踏瘦影何止長安行路
難窮來都是摩天嶺我有良謀欲送君伐去顛
毛學戒忍

同中郎登尊經閣

雀巢樓閣戶長封簷外霜鱗幾樹松
三市吹沙成霧瘴九朝積草似山峰
粉粘楮墨留魚腹塵

拚樽壘見兔踪不是廣文官獨冷負暄未許話
從容

雙叉寺

客至經堂少花藏丈室多額題天女字幡剪漢
宮羅冬結團開士辰齋薦達磨塵沙不到處風

日也清和

達磨誕日

早起

架上亂抽詩梳頭不厭遲說書如掃葉酒夢似
焚絲拾火添香篆分醪潤墨油長安名利客鐘

動已奔馳

至日

封門殘雪未全消
小室如螺坐寂寥
但使甕中饒赤米
不須天上怕青腰
安心合用書千卷
促睡還宜酒一瓢
莫道愁腸如線長
添來愁日減
愁宵

卽事

只將文字送餘生
興到狂歌繞案行
舊集檢來猶有意
恨遠函發去也身輕
孤燈燭冷花難結
破

龜煙銷鳥亂鳴生計總非名與利若爲流落鳳
凰城

中郎生日同大兄

閉門掃客塵曉窻布初旭置酒向華堂千杯猶
未足肩隨三兄弟少年同誦讀無夜不聯牀寒
雨滴疎竹十年隱顯分風塵各自逐萬里看愁
雲千金重遠牘每當良燕時飲酒如食蓼飄風
吹入燕一堂聚骨肉羿飛不羨鴿同餐豈厭菘
自解吳門銅辛苦狗微祿妻子嘲饑寒不飽侏

儒粟同時通藉者大半策高足階級不知融拙
迂難解俗宦途寧有涯世眼真碌碌不見下筆
時新詩如濺玉盡掃野狐涎不作前人僕精光
萬丈長雄文從此復學道罷馳求終作人天目
治世與出世修慧亦修福所得夫如何行藏那
用卜

美人臨鏡

鳳背輕羅裹陳來試曉粧笑顰顰私愛惜肥瘦暗
平章髮豈因膏滑眉寧待畫長有時呼小玉皓

齒耀清光

其二

薤葉依稀印香繩取次鬆睡眸猶少力酒暈不
銷濃髻就山爭出眉成月又重若非形與影未
必肯相容

其三

端詳不厭頻一見一回新命薄還愁我魂銷豈
待人對擊窺後影遠立視通身忽向臺邊看
然念太真太真爲溫嬙

其四

自是儂偏好非關爾有情半毫皆檢點一笑也
逢迎和粉時沾淚移釵乍作聲粧臺曦影過第
二月還生

除日

漸近和風漸遠霜客心久矣盼春陽盤花簇栢
千門麗躍馬飛車九市忙麻米僅同開士供裙
簪全城侍兒裝縱然燕地多憔悴魂夢無心入
故鄉

除夕

旋烹蔬甲佐辛卮休問當筵肉與絲石火許時
成老大鸞刀不啓學慈悲聊舒一笑寬羈僕獨
對孤燈念小兒午夜尊前重展卷試看今歲幾
多詩

當衣戲作

十年事交遊相知滿都邑獨有當衣人可以救
緩急扣門彼卽應抱質我無澀兒女豔歲時取
來片時襲歲去貧復來還入他家笈似我遊蕩

兒暫歸行復出豈不畏子錢聊救眼前疾從來
着未暖應是無蟻虱

燈市口占

下馬卽摩肩空行兩三步有如天將雨羣蟻團
道路歡呼落旱雷簾泊騰花霧靚粧走幻霞鳴
騶過朝露間闊諸友朋今日皆相遇皇皇各有
求我心乃無注偶逢未見書停行聊一顧

人日中郎齋中戲作

我酒寧可千日止不可一飲酒不美尊前若無

同醉人未傾三盞興都已入春七日別酒壺昔
藉先生忽見見呼聖見酒盞君先醉蕉葉那能及
大蘇一人獨飲成悽惻手把秘磁無氣力不如
移几向晴簷坐攬春宮春柳色但教長作竟日
譚醉固自佳醒亦得

同黃昭素昭質及兩兄夜飲顧升伯
九市有煙蘿同叅日漸多高文真二陸名理詎
三何紙室屯濃甲霜塔疊拗柯狂奴存故態對
酒卽高歌

其二

豈是頻頻聚清流念景光只憐天有月不怕夜
飛霜一笑冠纓絕新譚舌本香檢心無箇事翻
爲酒瓊忙

其三

且聽酒鑪鳴騰騰非俗聲喜譚能早至至戀飲獨
遲行燭暖花尤豔人高僕也清酣來如夢裏踏
月少分明

愁

自買愁人做其如始願何傭奴貧轉悍字妾病
偏多二月花猶死三春風欠和東隣方送葬徹
夜挽郎歌

其二

不敢墾繁華卑祈足米麻忙來欣有病貧極羨
無家封戶三旬雪埋書一寸沙回思故國裡綠
草綉江涯

養鷄

京師有故人饋我家鷄一利距復高冠文錦好

顏色拍翅常高鳴飛牆及入室墮羽上書牀瓜
痕印寶瑟侍兒云殺之殺之供晚食俄問礪刀
聲泫然三嘆息滋味我可賒性命他實急拋書
走中廚止之煩呵叱餘怖猶未已側身躲昏黑
啾啾籠中鳥欲飛有羽翼涎涎繒中魚逢水卽
藏入我欲聽其去鸞刀逃不得不如且置之長
作塒上物莫云人口多一盂減幾粒

作字

濃寒不釋冰春來硯猶醉今日天晴明墨和可

作字我字不入法聊恣一時戲心閒手勤時間亦多道媚作詩惟竹興作字亦任意未常強心爲雖拙大有致

春日坐伯修齋中聽室內禪誦精勤感賦
家緣逼窄道緣微經卷香鑪事未違聖遠也應同止觀懷人或恐像皈依可憐和淚看花發只自停針妬燕飛春後夢多常見汝葛衫龕似水田衣

元宵

何處嘈嘈動管絃，清輝入戶淨堪憐。不辭踏月
隨兒女，只覺慵歡像老年。十里靚粧光照地，一
城燈火氣薰天。繁華近日無心戀，歸去挑燈夜
坐禪。

春日

道書除却眼難開，早歲強陽取次灰。入閣漸遭
家犬吠，出門大喜醉人推。遠山凹處猶藏雪，春
夢歸時始見梅。近日頗精人間世，全生大抵要
無才。

西直門外野飲

白日無光天欲泣北風吹水水皆立直捲塵沙
入雲霄下界茫茫失都邑樓外高岡漸漸平道
是元時上都之古城阿閣重樓虛想像荒墳如
栗森相望日暮大道少行人馬嚼青草卧原上
中郎廣陵姬卒于都至雙叉寺禮懺時顧湛
菴李湘洲二太史俱在

香銷粉破恨層層合有金釵篋有繒昨日檢來
無用處都將施與念經僧

其二

濃雲香霧繞蓮臺
朱炬煌煌鏡裏開
金鐸乍搖梵唄沸檀湯
親與灌如來

其三

伊蒲飯罷數聲鐘
積雪輝輝白照松
今日虛勞學士至
無人解點密雲龍

太學偶作

日射栢林如膏沐
拜罷欲出不得出
長髯堂吏喝班散
黑頭蛆子靴聲戰
出門擲去老頭巾
獨

着短衣城外行奪得健兒弓在手一箭正中雙
飛禽

諸陵月下示潘尚寶

野客無名隸奉常朱籐皂帽踏清光石橋印月
深深雪松鬣搖風暗暗香官道馬嘶燈火密長
陵鐘動履聲忙祠臣誰帶煙霞氣白髮鬢鬢尚
璽郎

其二

泉聲碎碎鳥關關竝馬林中也自閑一縷霜光

明御道萬重枝影暗深山笑譚皆是天人際交
誼寧居季孟間莫嘆鼎湖龍去久丹臺君是舊
僊班

暮春長安郊遊

暮春春始徧長安楊柳青青拂水端若似江南
春太蚤而今那得嫩條看

其二

水亭箕坐兩三人湖面晶晶柳帶新夜色遠來
休道去忍將白水換紅塵

西山道中

馬上看山失馬鞭
雲開數朶似青蓮
昔遊上谷曾經此
流水石橋路宛然

見骷

千金買一笑桃李可憐色
一朝委黃塵秋墳傍
路側棺槨爲冷風
墓田方稼穡尚有遺骨存
野犬啣入棘朝廷軫亡骸
昨下焚骷敕招集五百
僧爲作大功德荒垣爭拾取
填集蔽原隰腦骨
雖然存下領久已失頂如掛籐
匏中縈一線泐

不知橫波者內孔巨可怵齒齧尚連顱疎疎與
密密依稀向人笑想像舊時食外理青苔封中
空黃土色見之還自摸寧無似此日生前百憂
煎畢竟何所得先看頗悲哀久之解愁鬱等是
歸于盡飲酒吾當力

長歌送謝在杭司理之東昌

真州寺裏有嘉樹雙去雙來幾朝暮竹裏一枰
池畔杯鎮日清言忘暑路蓮花塘上浮舟醉一
曲未終雷雨至笑語濤聲兩不分是夜歡呼欲

動地紅袖清波如眼前屈指便成一年事長安
陌上忽相逢青衫瘦馬損標致風起揚沙蔽赤
日無事只坐如螺室曾向西郊一度游畢竟所
得不償失回首舊歡如夢寐荒荒忽忽分南北
我向槐市作諸生君擁千騎下東國難忘攜手
伽藍道一言平子成三倒海內豈無文采人往
往輸君心腸好清詩水裏出芙蓉忘機海上下
鷗鳥得固欣然失不悲愛君常有佳懷抱眼底
行藏那足計冠帶場中偶人戲吾生百歲亦有

涯豈以花月易名位有口不解訴暄寒圓珠現
璧吐新義有手不解揖俗人指端只出銀鈎字
濁者是涇清者渭世人自賤吾自貴高軒偏載
腐客顏錦衣常裹俗腸胃東昌司理也清閑高
巖鬱鬱水潺潺踏歌長日呼春草寫字何妨喚
遠山誰道文人不習吏狂如羅友襄中治近則
和仲遠醉吟所之政績照當世卽如君家謝安
石一生不脫登山屐胡塵百萬蔽天來譚笑聲
中破大敵何況一郡如斗大枋榆那須煩勁鬪

近日中官蔽川陸察及鷄豚算車軸臨清市兒
攘臂呼聞說官民相殺戮二百年來無此事此
後應須興大獄重處却畏人心搖輕之又怕朝
綱辱君爲李官臧平反自能調停寬所屬豈肯
薄收強項名要須實救一方哭縱君淡泊薄功
名政成虎爪自相速

得勝門淨業寺看水同黃庭翠黃慎軒兄
弟鍾樊桐兩兄

南人得水便忘憂兩日三番水際遊花露沾衣

濃似雨潭風着面冷於秋拖莎帶荇流何急擲
鴈拋鳧浪未休天外畫橋橋上柳祇疑身在壘
湖樓

高梁橋

覓寺休辭遠逢僧不厭多一泓春水疾十里柳
風和香霧迷車騎花枝耀綺羅半年塵土胃滌
浣賴清波

再遊

灣環窮野徑忽到水中央聽雨魚兒慧捎波燕

子忙馬來沙耀雪人坐草粘香爲愛溪流急移
尊向石梁

同謝于楚謝在杭伯修中郎火神廟小飲
看水

作客尋春易遊燕看水難柳花濃沒地鷗貌靜
隨湍拜謁何如醉塵沙豈似瀾石橋明樹裏真
不像長安

其二

不敢望浮舟聊欣漱淨流
唵魚搖碧瓦浴鷺蕩

朱樓既以觀瀾至當爲待月留難忘分手處清
淚灑揚州

辰起

醉境直連夢朦朧暗自猜行堦方識雨訊客始
知雷濕柳數聲滴泣花一朵開向人曾乞竹宜
趁此時栽

梁都事鳳池招飲韋公寺

去天纔尺五喬木宛山莊流水忽如話松花時
一香密籐堪代幄欹石自成牀獵葉風初至紛

紛下海棠

其二

有蹊皆委曲是水必滌河獨與石酬酢惟餘僧
往來酒多酣侍史花盛遠重臺不獨林園勝叅
軍有俊才

四月十八日西直門觀士女

選樹安歌席沿溪列酒杯水邊千騎去霧裏萬
人來激調傳山谷濃香染草萊斜陽簫鼓近士
女戒壇回

送李湘洲太史齋詔至吳越便道還家

欲將登眺付王程絕似清泉縱涸鱗銅馬署中
頒詔使錢塘江上看山人水流花落經年夢寫
偈安禪過去身回思京華名利客日埋塵裡不
知塵

其二

清夢經年到聖湖喜啣黃紙下東吳山膚飽漬
千行字岼草香分五夜爐越國才人如竹箭湘
中石子像樗蒲蹉跎未附僊舟去空混長安飲

博徒

天壇小酌時送黃慎軒之南陽

松陰各散步佳處便招呼不有一杯酒其如千里途闕宮生燕麥弱士採龍鬚宛洛堪遊戲休嗟鴈影孤

送三舅夾山至太原任

寧將七尺付塵緣總以山資賴俸錢問俗有時惟採藥退堂無事只參禪龔生漫學蜘蛛隱陶令權收秫米田邸舍蕭然何所有定驅草木餉

朝賢

黃慎軒寘酒西直門溪上招秦京夾山巒
兩兄有述

同心卽骨肉蜀楚詎容分澗水年年去松風刻
刻聞旋波如笑靨錦石似螺文日暮將安去天
邊是雨雲

長安道上醉歸

天堦十里霧濛濛醉後依稀似夢中
栖樹寒鴉一背月戀槽歸馬四蹄風
棕櫚暗暗藏禪寺鈴

析沉沉護漢宮
訊罷駟人無一事
流星如火耀晴空

別顧太史開雍時
冊封周藩取道回
吳細雨沾長道
垂條濕去旌
時平天使貴官冷
客裝輕泛月來
沙海踏花渡柳城
風塵還着眼亦自有侯嬴

飲談太僕宅分韻得上字

長安九陌秋霖漲
何以改憂惟佳釀
高齋亦近尺五邊
沉沉綠樹疑深嶂
紆義迴月幹孤危
屯

風宿雨聲悲壯誰言樹色不堪餐
拗鐵虬枝浮酒浪小杯細碎大煩持
巨觥入手神先王脫冠
跣足我先之海內久矣知吾放
邈來只是肆沉酒日退詩腸進
酒量酷似新豐狂馬周天上紛
紛逃五臟何況主人能愛客
疎燈寒雨倍清曠疾雷子夜夾
奔濤豪勢詎能敵高唱我馬今宵
惜障泥醉卽倒向禪牀上

午日同鍾樊桐黃慎軒方子公秦京伯修
中郎崇國寺葡萄林分韻得掃字

禪室也不寬且喜常常掃竹子不成林一根兩
根好藥欄無豔花嫣然種香草雖無曲水池灌
餘成小沼山僧不解禪只是貌蒼老朋友不甚
多人人好懷抱盤餐不過豐園藪鮮可飽酒未
必如澗苦冽香且皎要言不在繁一字使人倒
縱無大快活何處有煩惱

贈別牟鎮撫南歸

丈夫不得意投筆且從戎劍學白猿叟書傳黃
石公還山村樹綠立馬渚蓮紅莫似牟居士逃

名說苦空

年融

追送丘長孺郊園值重城已閉雷雨大作
馬上口占

若爲聽雨不聯牀獨立西風泣鴈行雲釀怒雷
人病憊山啣殘日馬知忙鳳城久已歸煙霧魚
鑰焉能鎖肺腸此夜莫愁閑對語也應十句九
袁郎

送丘長孺南還

文人情性武人裝鬧帶花衫大羽囊醫宅與田

重出塞臂鷹牽犬復還鄉身穿通邑千人看馬
度秋原百鳥藏莫向前途猶久滯吳姬釀酒待
君嘗

其二

秋園彈指卽天涯忍見霜風墮藕花乍北乍南
長作客且行且獵便還家姑留綠鬢畝全事莫
戀青山失歲華松下一尊衣濺淚馬前八拜面
沾沙

其三

仗君爲我改愁腸
九夏鎖來閃電光
梵几寺看花
三日雨射堂
踏月五更霜
譚宵徹
曉寧辭倦醉
死重生不計場
今日飄零南北去
夢魂長繞紫
游韉

得丘長孺密雲書

夏來長夢汝顏色
慘無歡
今日寄書至
果言行
路難人情堪
痛哭病體欠平安
祇恐今番會
豪遊興已闌

登盤山

遍山無穩石數步有鳴泉絕壁爭呈瘦濃松亂
綴妍筇移頻下果衲破不藏煙若欲搜尋遍還
須一二年

入都迎伯修觀得詩十首效白

痛死憫生淚暗垂一身多病不堪支斷腸客路
三千里極目羈魂十二時江上雪來雲片黑河
洲風重鴈行遲棖崩棟折蕭條甚路上行人也
自悲

其二

縱是石人也慘情難聽一宅斷腸聲老親淚盡
惟流血小弟心孤欲喪生白日奄奄寒古渡長
江浩浩響空城今朝易水悲歌去送客白衣盡
濕纓

其三

一室先亡有用人死如可代豈留身揚名君好
娛慈父多藝予堪事鬼神楓樹有枝猶帶血征
袍多淚易沾塵驅車宛洛如流水不及腸中百
轉輪

招隱士遊魂今始賦歸來晚風沸水人心急落
日燒林鳥語哀我眼半枯身半死旁人猶作計
借猜

其十

魂來入夢訴還鄉豈不懷歸道里長銷帶典衣
還客負賣書鬻硯作行裝晚風竹葉刀刁話暮
雨梨花冷澹香莫怪多情頻下淚死生大海路
茫茫

遊西直門柳堤上時伯修已逝

依然垂柳覆長堤落日沉沉萬樹西惟有水聲
渾不似當初如笑近如啼

扶伯修櫬以水涸候水止東昌官舍呈司
理謝在杭

西去空空悲道路長揚沙渭水變非常客程此日
投齊地寡婦終朝哭杞梁入室衝風吹涕淚繞
簷驚電照恹惶謝安故是多情者不是同胞也
斷腸

西陵別慎軒居士還蜀

霜楓如雨灑征衣勝侶而今會漸稀
帝子已安僂客去鶴羣無主道人歸
灣灣水妬蠶頭法片片雲呈麈尾
機不是倚門親在舍西陵那忍遽
分飛

其二

獨向千峰頂上行大峨何日更尋盟
夢來白馬緣非幻老去青山約定成
亂葉掃雲秋路淨疎鐘答月夜郵清
自憐不及黃牛峽三暮三朝繞
客程

同慎軒赴劉元定諸君子之約于圓通閣
分韻得池字

覓得危樓話少時
八窻明處見山奇
都緣江水能開鏡
故使巫峰盡約眉
空國人來聽說法
堵牆客繞看臨池
金磚峽過無知己
坐隕霜光也不遲

江上別平倩凄然墮淚有述

交情直到此兄弟也難侔
胞乳雖然共肝腸未
必投葉黃歸峽路雲黑渡江舟
不死終相覓寧

辭道阻修

其二

逝鬼已難作生存復遠離可憐一掬淚分作兩
番悲天盡人歸處山空影過時臨行衣帶斷饒
得別遲遲偶有斷帶事

三游洞

時途黃太史平倩至夷陵別後與
劉元定諸公遊此

洞在大江邊背江疑不妙天生下牢溪繞洞盆
清奧兩山夾深泓桃花源宛肖江水雖洋洋此
地轉幽窅譬彼學道人沉修貴不耀石乳滴成

王昌齡詩集卷之八十三
三
峰柱洞竦孤峭皴駁凜陳鱗斲白吐餘竅疾流
鋪石灘水石遇成笑循溪不厭深奇峰如相召
蒼壁湧雷文朱霞染霧嶠仰面見天梁駭走俄
大叫霜石踏人影始知月來照生平不聞猿今
夕聞猿嘯別死與離生猿也如相弔太清不可
留乘月理歸棹

贈劉元定

作人影亦好入座去猶香柳也學張緒石能醉
米郎性于學道近心爲著書忙兄弟今零落舍

婁托鴈行

元定叅中別秦京諸君子

西望瞿塘淚滿巾
峽州猶自滯孤身
客中逢客多知我
離上生離更苦人
良夜燭殘清影亂
霜堦月落醉言真
他時柳浪能如約
煮筍烹葵也不貧

西陵諸公送至豐寶山道中有作

草短風高日漸西
離魂又被萬峰迷
乍飄木葉同珠絡
直剪平原作稻畦

卽袞裳

死友范張人已

別僂舟李郭事尤齊青山也解留行客四出濃
雲逗馬啼

峰寶路

峰寶路縱復斜黃葉紛紛如雨花諸公飲酒我
飲茶茶一盞酒數卮夜堂明燭話須臾馬首明
朝更有誰醉者不悲醒者悲當初伴侶滿長安
稻麻竹箬輕相看自經別死離生後始覺人生
聚會難事從難得始知琢心孤往往易爲親白
波江上剛分手黃葉山頭又別人

從夷陵峰寶山至玉泉道中示同遊羅王

檢

冠蓋集修衢分袂意泠泠日午方成行馬蹄踏
人影似魚下重淵如雀起高嶺高嶺忽已夷流
水中間之下馬聽清泉與子坐石磯男兒七尺
身寧爲妻子羈終當遊五嶽長揖與世辭我慙
尚子平君如臺孝威此語泉石聞毋爲流水嘆

其二

望岫難息心行緩意彌速明月豈不來浮雲蔽

之沒夜度猢猻冲暗嶺臨深谷齒齒亂石坡微
軀付馬足不復問升沉俯仰諧髣髴疾風吹草
鳴颼颼如有物行人且莫驚靈山虎不毒我爲
智者來伽藍自驅逐亂葉晃微燈隱隱見茆屋
磴窮嶂忽開流泉如轉轂疎鐘下層巒餘音繞

山麓

宿玉泉

山是天台眷泉通印度源寶冠妍楚蜀珠沫濺
乾坤衲子都如石樵人不辨猿英雄無限淚收

拾付空門

地卽關公授命處

其二

葉落不成寐披衣步福庭
水寒幾化雪月晃欲
無星洗耳秋堂磬灰心
子夜經幾時菴乳窟泉
響一生聽

題關將軍祠

一腔血盡了生緣靜向山中
禮法筵人道肝腸
能死國我言筋骨好參禪
澗巖震怒如雷地草
木淋漓易雨天日暮鳥啼人跡斷
自搜殘碣自

嘗泉

聽泉

一月在寒松兩山如畫朗欣然起成行樹影寫
石上獨立巉巖間側耳聽泉響遠聽語猶微近
聽濤漸長忽然發大聲天地皆蕭爽清韻入肺
肝濯我十年想

其二

山白鳥忽鳴石冷霜欲結流泉得月光化爲一
溪雪月色入水滑水紋帶月潔疾流與石爭山

川爲震裂安得一生聽長使耳根悅

鄭少泉年七十五訪我玉泉覓詩卽席贈
手中松子十圍強曾侍僧籬頂盡霜尚自啣林
同李白不須食乳學張蒼雲霞興到諸峰遍風
雨譚生徹夜狂心內無營卽大藥痴人錯料有
憑方

重過關將軍祠二偈

雄藍設色水潺湲浮世興亡一笑問鼎足三分
彈指折忠魂千載王名山

其二

侵天荆棘掛人衣
幾箇能開生死圍
三世如來血性漢
大刀響處是禪機

柳浪館

鎮日無人至
層溪與閉關
幻雲作佛事
流水寫僧顏
歸鷺千團雪
長楊一派山
夜深纖月落
清梵出林間

其二

盤礴從吾好
有頭不贅冠
衣裳迎客易
神契到

人難薪斫和煙樹茶烹帶月湍水邊成一笑世
界果然寬

其三

睡起西窻暮輕舟出釣磯蛙沉萍忽散螢到草
先輝拂地楊枝重封天粳稻肥未須愁夜色新
月照人歸

其四

何須求世上此地有雕胡鶴到花千樹僧歸月
一湖聞香遮戒律觀影悟空無宴坐深林下天

風自拂鬚

其五

湖中有等死堂

息心無一事何樂可相如等死堂中客放生池
裏魚禪牀鳴翡翠唄語蘆花渠花鳥餘情在勘
來不用除

其六

過橋三五次門徑宛村庄曲水纏茅屋深楊護
粉牆雨煙荷葉淨風露稻花香未可全無事疏
經也學忙

其七

匝地芙蓉國遮天楊柳城僧雛爲弟子農老作
先生曆尾傳占法書頭寫稻名池堤全得月露
坐二二三更

初至村中

淨業前生也不常而今報得樹千章深松老栗
如爭臘梗稻芙蓉只鬪香遠水夕陽光濺濺青
林白月冷荒荒前村犬吠聲如豹宛似王維筆
子峴

其二

禪牀頻逐樹陰移
隣叟行來犬亦隨
月下獨遊形澹漠
水邊假寐夢淋漓
閑看歸鶴投何處
偶憶騎羊到此時
趁取秋天氣好寬
寬寬鑿箇放生池

其三

十年救火事奔忙
慙愧青山舊草堂
聽盡歌聲樵唱好
看完花卉稻芒香
永無躍馬登舟興
也學占雲射雨方
桃葉桃根今尚在
早拋舞髻效

村粧

其四

歷盡繁華始愛貧布袍芒履混村民止爲荷葉
山頭樹又作柞林潭上人鳥不傷弓寧縱鬪魚
經勞尾也收鱗從今飽噉長腰米任運騰騰卽
淨因

其五

出行獨有鸞臺隨緩步于于百不思餘食好將
施鳥雀閑情猶自護花枝侍兒也唱無生偈隣

雙來吟清泰詩竹水竹風涼太過略收暑氣應
天時

其六

半是經行半是眠清風宜碎月宜全黃雲紫霧
新禾稼碧水丹山好墓田俗客罷來緣斷肉柴
門不閉爲無錢而今轉憶陶弘景不得微官却
得僊

其七

心內安閑身也輕十年覩破薜蘿榮冷雲冷雨

銷三夏香水香山過一生池上坐禪魚乍躍花
前說偈鳥爭鳴醒來不作攢眉事夢裏依然是
笑聲

其八

逐處奔馳昨已非今朝息盡百年機人從綠樹
千重出鳥隔青天一寸飛八口飽餐菰米飯全
家都着芰荷衣客郵暫宿無多事池上青蓮墜
我歸

其九

頓除何肉漸休糧箇是居山第一方
有口止歌招隱曲此心不是貯愁囊
旋斤修竹爲行伴新禮喬松作樹王
冉冉逐塵嗟世苦波波求法嘆僧忙

送死心入山

只欲歸山去敷蒲坐幾春
短藤新衲子長瓜舊文人
虛谷重經宇空潭貯定身
死心久已死去住若爲真

入村

出郭方知霧登舟始辨風水生蝦眼赤霞過鴈
翎紅浣渚喧游女蘆洲息釣翁人家蒼翠裡鮮
豔一株楓

漁人云蝦眼赤則水漲

村行

籐杖扶身健絲袍到膝輕
蕎花銀粟漲楓葉火
山明引客譚因果觀天
校雨晴今年秋事好晚
稻倍生成

癸卯元日步中郎湖上韻

曉起一湖雲穿雲鷺一羣
溪楊眉黛色灘石指

螺紋可惜題橋去難同帶索耘朗吟霞土作風
雨夜深聞

其二

點也柴車駕聊從汗漫游尋人穿柳市放艇過
沙頭紫栢遮南垞蒼筠護小洲世情休自好閒
適豈宜休

過伯修墓

行過冢子峒步入白楊林白楊十萬樹一葉成
一聲芳草爾勿生下有錦繡人草枯有榮時子

往無歸辰入夜遲魂來有懷欲具陳陳鷺久已
嫁母爲懷苦辛

哭壽亭舅舅學佛精進無病而卒時予病
卧法華蘭若

莫過西州路羊曇哭斷腸法門何苦楚道侶轉
淒涼急雨飄青燭迴風戰白楊五更扶病坐生
死幾迴忙

入都過禿翁墓

噦電似雙眸昨宵來入夢驅車且暫停二步腸

應痛

其二

威鳳不潛羽蛟龍罷隱鱗網羅就就至何處可
藏身

其三

馬鬣有新封淒其荒草裏誰無要離墳也近荆
卿水

出都門道中

夢草和村綠懷雲帶舍蒼天桃無斷雨姹草有

鮮香拜衲學空觀逢僊不見睡方縱然登第去也
只爲人忙

襄城道中題逆旅寄示兩弟

鈴鈴車馬送昏朝欲雨濃雲慘不銷盤裏有魚
家漸近眼前無水路還逢煙沙猶自迷行色風
柳何曾暢舞驪寄語王孫休濡滯故園青桂久
相招

南陽邸中飲同年羅子

一聲殘滴下疎楊和露和烟浣客裳駑馬無心

遊宛洛故人相對是瀟湘
春來藥裹閑花事雨後蔬盤照酒觴
屈指羅含居漸近叢蘭開處滿山香

入村步中郎韻

林碧間溪紅夢魂愛此中
掃堦聊貯月芟竹爲疏風蔽日荷花盛
遮天梗稻豐鸞臺隨我去社約赴村翁

鸞臺司空園婢

其二

頭白與顏紅難忘是里中
柳方酣重露松忽話

微風地僻衣冠略年登宴會豐萬緣聊放却且
學信天翁

其三

霞染一村紅人煙湖雪中松稍留澹日山口漲
幽風栗里一生醉花源累世豐夜深鶴鶴起咳
笑似衰翁

又步中郎韻

茆屋臨花澗居然萬里橋自從知橘隱不喜見
蜂朝樹長棲雲葉籐抽帶雪條悠悠名利者路

遠馬蹄遙

晚酌中郎限韻

好攜僊人杖同飛力士鎗坐闌山氣重話斷水
聲明晚岫雲車變秋場月浪盈道緣欣漸熟夢
裏講無生

月夜同兩叔僧徧虛泛舟荷葉堰

買得蜻蜓舫嬉遊荷葉中暗林白釀月秋水碧
澄風露重衣先濕花繁棹未通煮魚兼送酒溪
上立村翁

其二

山僧能鼓柅稚子解飛樽蕩月忽成字流波如
有言禾深羣鳥宿花墜小魚吞暗暗垂楊裏棹
敲沽酒門

送僧北去尋師

獨向秋風杖短藤葉中乍見五臺燈支郎已解
藏身法知在深山第幾層

送吳生

吳生本技人不識幾分秦青幾分白有時不請

或自歌強之以歌必不得莫道司窮必有神人
情到處易爲親聰明頗欲推君富意氣抵死留
君貧悲哉秋聲動人耳送子登山復臨水我有
醫貧第一方珍重不肯爲君語

贈魯印山

青山深處萬株松松下僊人孺子容十載不來
棲隱地鷓成老鶴竹成龍

其二

秋來濃月上高梧花下揪枰傍酒壺竹里辛夷

渾在眼不須重畫朝川圖

其三

陶家楊柳謝家山絕斷飛塵鎮日閑檀板一聲
歌一疊頓教白髮換朱顏

秋日攜妓遊章臺寺同林伯雨諸公

飛蓋入青林篁影一圍碎鬱鬱新藤蘿沉沉舊
粉黛香魄久已銷花魂豈堪漑惟有主地神曾
識細腰隊七盤舞西荆楊柳學餘態君王射兕
弓入地成光怪羅綺萬年灰伊蒲十畝菜風日

甚清和同來一改佩蹟往韻不隨流風還我輩
一曲佐清尊洗却陳感慨鸚鵡各呈工鏤竹破
煙靄爲樂貴及時風景好玩愛新故疾相乘何
處覓見在至時卽去時飛鳥不能賽信是黃面
人可以當我拜

送徐元叔遊太和

聞說泰山境鬢峰帶乳泉靈踪秦好時春殿漢
祈年向意徧尋嶽雄心首愛玄慧人初入道才
子早遊僊夕食青精飯朝緡赤甲篇沙星橫浦

耀霧雨別峰懸鬱鬱胎芝秀煌煌火棗然有歌
皆是雪無岫不成蓮採得金光草來供阿母筵

送彭長卿遊秦訪陳別駕

六十猶行役南平作故鄉灞陵惟積雪渭水少
輕霜老乏澆花地貧無養鶴糧故人存笠馬不
用嘆羊腸

登大士塔九日同林伯雨傅叔睿

大江積雪橫九十九洲明楓柳千門色琵琶一
郡聲演車無舊義調馬有新情奠酒芙蓉社重

尋世外盟

哭趙尚書尚書死於宗室之變予感尚書
國士之知聞而傷之

白髮尚書死可惜可惜不死向疆場 高帝參
養十萬孫恩窮法盡少奇策老臣歷練三十年
大才偏能理煩劇豈有吳楚七國難啓口陷胸
勢何逆赫赫大牙開府堂空懸赤棒誰鬪格是
日白晝忽無光漢江波跳啼鬼魄事關國體豈
容輕草莽書生重嗷咽去年射策上都門下走

王郎勞係鞅首難乃是真龍孫踟蹰袖却含光
鐵素旄搖搖逐西風瀕豔堆前飛凍雪漢江重
勒羊公碑不用墮淚只墮血

歸簣管谷逢蘇潛夫得灰字

濃香試冷灰一笑出章臺粉黛情初盡煙嵐眼
乍開雨尼佳客去竹愛主人來風葉殘膏夜禪
鋒送酒杯

別蘇潛夫分得江字

動是明年聚愁看子夜缸亂鐘來近寺小月出

寒江冷習聊同白禪心久似龐語深難造次竹
影駛西窻

又卽席分得星字

帆影寒沙下人離草不青圓來纔似月散去已
如星飄葉遮歸路回風逗遠舲別懷迷却好宜
醉不宜醒

夜坐梔子樓讀杜詩分韻

厭酒親書帙焚香靜誦詩窮來神自王亂後語
尤悲漏轉燈花落風搖竹桁危篇中饒酒字讀

罷憶清卮

其二

蕉若文章伯千秋一老翁衣冠崇漢夏禮樂奉
周公墮地心何壯穿天字未工我思焚紙筆端
坐事虛空

送郝公琰東下

有客采蘭還嘯歌夜出關雨中二溼水雪後九
華山恠石添詩格寒花學道顏秦淮春事好留
滯嘆緣慳

壽中郎兄

伴水依山又一時
卯君和仲喜追隨
清齋抵足何辭老
綠鬢休心尚恨遲
修竹乍同高士韻
恠嵯難比道人奇
太玄自賞誰能信
當代重推杜甫詩

五弟初度

一門七業藝垂成
第五于今總並名
春草堂中多麗字
天花樓上有新聲
養來綺石添斑駁
種得寒梅已縱橫
更喜老親常住世
日長不必羨

爲兄

又和中郎兄韻

才情一石弟兄分
兄弟居然五色雲
終似王家
人有集每同謝客
夢成文花前對舞霞
千片月底吹笙鶴
一羣自古食蔗應
食尾小冠杜子倍
多聞

次東坡聚星堂雪詩韻

夜窻冷冷鳴枯葉
不識封林一天雪
東郭先生
太耐寒桃上開窻
叫欲絕積巘明溪
二尺強十

萬龍孫皆磬折一廻只向水邊飛數片俄從衣
上滅快雪今朝逢快人戰冷深杯如電掣擊竹
成歌飄成舞可是青腰親縷纈凍浦寒塘洗肺
腸紛紛萬事如塵屑石外裂蕉如有人長尾寒
禽只一瞥三徑不掃絕來踪兄弟燔枯相講說
雪收微月乍窺林庭下梅枝如剗鐵